

DURANGO

Udala • Ayuntamiento

2026ko 8.ORDENANTZA FISKALA UDAL-JABETZA PUBLIKOA OKUPATZEKO TASAK ARAUTZEKOA

Hasierako onarpena: 2025eko irailaren 24ko ohiko osoko bilkura.

BAO argitalpena: [185 zk. 2025eko irailaren 29koa](#)

Jendaurreko erakustaldia: 2025eko azaroaren 11ra arte

Alegazioak: 2 tramitera ez onartuak.

Behin-betiko onarpena: 2025ko azaroaren 26ko ezohiko osoko bilkura

BAO argitalpena: [234 zk. 2025eko abenduaren 5ean](#).

Indarrean: 2026ko urtarrilaren 1ean



8. UDAL-JABETZA PUBLIKOA OKUPATZEKO TASAK ARAUTZEKO ORDENANTZA FISKALA

1. artikulua

Tokiko Ogasunen 9/2005 Foru Arauan aurreikusitakoaren arabera ezarri ditu udal honek udal-jabetza publikoaren aprobetxamendu bereziko edo erabilera pribatiboko tasen gaineko zerga, eta halaxe eskatuko du, ordenantza honekin bat (bertan jasotzen da tasak finkatzeko tarifen eranskina). Hori guztia, Toki Ogasunen 9/2005 Foru Arauaren 21. artikulua ezarritakoarekin bat.

2. artikulua

Udal-barruti osoan aplikatzen da Ordenantza.

II EGITATE ZERGAGARRIA

3. artikulua

Egitate zergagarria da udaleko jabari publikoaren erabilpen pribatiboa edo aprobetxamendu berezia. Ez dira jabari publikoko okupazioen mende egongo honako jarduera hauek: zibikoa, hezkuntzakoa, zientifikoa, kulturala, kirolekoa, sanitarioa, konstituzio-balioak sustatzekoa, giza eskubideak sustatzekoa, gizarte-laguntzakoa, garapenerako lankidetzakoa, kontsumitzaile eta erabiltzaileak defendatzekoa, ingurumena defendatzekoa, gizarte-ekonomia edo ikerketa sustatzekoa, gizarte-boluntariotza sustatzekoa, bazterketa-arriskua duten pertsonak zaintzekoa, elkarri laguntzekoa eta antzeko beste edozein. Okupatzeko baimenean jaso behar da jarduera horiek udalaren interes publikokoak eta gizartearen interesekoak direla Durangoko herritarrentzat, eta haien jarduera ez dagoela bazkideen onurarako soilik, beste edozein onuradun izan daitekeenari irekita baizik, eta berariaz eskatzen da jarduera horiek ez ekartzea inolako kontraprestaziorik jarduera horien onuradunen edo hartzaileen kontura.

III SUBJEKTU PASIBOA

4. artikulua

1. Subjektu pasiboak, pertsona fisikoak eta juridikoak eta Bizkaiko Lurralde Historikoko zergei buruzko Foru Arauaren 35. artikulua aipatzen dituen entitateak dira, beti ere, toki jabari publikoa euren onurarako erabiltzen edo aprobetxatzen badute.
2. Espaloiak zeharkatuz ibilgailu egiten duten erabilera bakarreko edo aprobetxamendu bereziagatik eta horiek eraikitzea, mantentzea, aldaraztea edo ezabatzeagatik ezarri diren tasen kasuan zergadunaren ordezkioak izango dira ibilgailu horien sarbideen finka eta lokalen jabeak; hala denean horiek eskubidea dute kuota horiek onuradunei jasanarazteko.
3. Administrazio publikoek udaleko jabetza publikoak erabiltzen dituztenean, ez dituzte tasak ordaindu beharko, betiere zuzenean ustiatzen dituzten komunikazioetako zerbitzu publikoak eskaintzeko edota herri-segurtasunaren edo defentsaren aldeko zerbitzuak emateko erabiltzen badituzte udal-ondasunok.

5. artikulua

Ordenantza honek arautzen duen erabilpen pribatu edo aprobetxamendu berezian interesa duten pertsona edo entitatek, dagokion baimena eskatu behar diote Udal Administrazioari. Baimenik gabe ezin izango dute erabilpena edo aprobetxamendua gauzatu.


6. artikulua

Baimenen hartzaileek ordaindu beharko dituzte tasak, edo, bestela, aprobetxamendutik etekina ateratzen dutenek.

IV. SALBUESPENAK, MURRIZPENAK ETA HOBARIAK

7. artikulua

Salbuespenak edo beste hobari fiskalak ematerako orduan xedapen orokorretan ezarritakoa hartuko da aintzat.



V OINARRI ZERGAGARRIA

8. artikulua

Oinarri zergagarria jartzeko kontuan izango dira erabilpen pribatiboa edo aprobetxamendu berezia udal jabari publikoaren zein unitatetan egin den eta, beti ere, eranskinean ezarritakoaren arabera (Epigrafeak).

VI KUOTA

9. artikulua

1. Kuota edo tasaren zenbatekoa erabakitzeke kontuan izango da eranskinean aipatzen den tarifa (Epigrafeak), erabilpen, aprobetxamendu eta bide edo toki publikoaren kategoria kontuan izanik.
2. Erabilpen pribatiboa edo aprobetxamendu bereziak udal jabari publikoa hondatzea eragiten badu, onuradunak, aplikatu dakioken tasa ordaindu behar izanaren kaltetan izan gabe, konponketalanak ordaindu beharko ditu. Dirua aldez aurretik dirua jarri beharko du.

Kalteak konponezinak balira, Udalak kalte-ordainak jasoko ditu izandako kalteen balioagatik.

Udalak ezin izango ditu barkatu, ez osorik ez zati bat, apartatu honetan aipatzen diren kalte-ordainak eta diru-ateratzeak.

10. artikulua

1. Elementuak edo gauzak instalatzeko, edota hasieran zeudenak aldatzeko, berritzeko, zabaltzeko edo murrizteko, beharrezkoa da udal-baimena edukitzea. Baimen hori eskuratzeko, ordenantza honetan ezarritako prezio publikoak ordaindu beharko dira, eta bien bitartean ezingo da ondasunak erabiltzen edo aprobetxatzen hasi.
2. Ez bada tasa ordaintzen, baimena ezeztatu egingo da automatikoki.

11. artikulua

Ordenantza honetan araututako tasak ez daude lotuta lizentziak eta bestelako baimenak emateko Tasak Arautzen dituen Ordenantzaren arabera ordaindu beharrekoekin.

12. artikulua

Baimenik izan gabe ondasunak erabiltzeagatik edo aprobetxatzeagatik zehapen-erregimena ezarri ahal izango du Udalak. Halakorik gertatzen bada, baimena izanez gero ondasunak erabiltzeagatik edo aprobetxatzeagatik legozkiokeen tasen zenbatekoa ordaindu beharko du beti arau-urratzaileak, eta, horrekin batera, bestelako zehapenei eta erantzukizunei ere aurre egin beharko die, bidezkotzat jotzen bada.

13. artikulua

Baimenak ez duenean aprobetxamenduaren iraupena zehazten, baimena luzatu egiten dela ulertuko da, baja-aitorpena aurkezten ez den bitartean.

14. artikulua

Gauzak edo elementuak kendu ostean, interesatuek erabilerako edo aprobetxamenduko baja-aitorpena aurkeztu behar dute Udal-administrazioan, eta, hura ados badago, baja aurkezten denetik hurrengo hila-betean sartuko da indarrean; ordua arte, nolanahi ere, prezio publikoak aplikatuko dira.

15. artikulua

Aprobetxamendu edo erabilpenetan titularitate-aldaketa ematen bada, esleipendunak, titular berriaren datu pertsonalak eta helbidearen berri emango dio Udal Administrazioari, eta Ordenantza honek eskaturiko bestelakoak ere bai. Aipatutako notifikazioa egin ezean, bertan behera geratuko da emandako lizentzia, eta baimen berria eskatu beharko zaio Udal Administrazioari.

VII. SORTZAPENA.

16. artikulua

Ordenantza honek arautzen dituen tasak ordaintzeko beharra, aprobetxamendu berriei dagokienez, erabilpen pribatua edo aprobetxamendua berezia ematen den unean hastean da, eta, gainerako kasuetan, dagozkion tarifetan zehazten diren aldi bakoitzaren lehenengo egunean.



VIII. LIKIDAZIOA ETA DIRU-SARRERA

17. artikulua

Udalak kontzeptu bakoitzeko egin beharreko likidazioa egingo du. Likidaturiko kopuruak eranskineko ordainarazienetarako ezarritako arau berezien arabera egingo da (Eranskinak).

Honela ordainduko dira tasak:

1. Aprobetxamendu berriak direnean, baimena onartu aurretik ordainduko da.
2. Lehendik emandako eta luzatutako aprobetxamenduak badira, hiruhileko naturaletan ordainduko dira, urteko aprobetxamenduak direnean izan ezik, kasu horietan urte natural bakoitzean ordainduko baitira, dagozkien matrikuletan sartu ostean.

18. artikulua

1. Aprobetxamenduaren emakidunari leporatu ezin dakizkiokeen arrazoiengatik ez denean tasa ordaintzen, itzuli egingo zaio dagozkion zenbatekoa.
2. Interesatuak ezin egotz dakizkiokeen funtsezko arrazoiengatik baimena erabiltzeari uko egiten badio, Administrazioak ordaindu zaion zenbatekoa itzuli ahal izango dio, betiere, aprobetxamendu horrek ez baditu beste aprobetxamendu batzuk oztopatu.

ERANSKINA

0. epigrafea. Hesiak, aldamioak, eskorak eta astoak

1. Egitate ezargarria

Hesiak, aldamioak, eskorak, astoak, edukiontziak eta antzeko beste elementuak edo instalazioak erabilera publikoko lursailetan ipintzean egindako aprobetxamendu bereziek sortzen dute egite zergagarria.

2. Subjektu pasiboa

Aprobetxamenduaren helburu diren finken, lokalen edo establezimenduen jabeek edo ustiatzaileek ordaindu beharko dute egitate zergagarria. Horiez gain, erabilera publikoko lursailetan elementuak txertatzen dituzten pertsona natural zein juridikoak erantzule solidarioak izango dira, eta, ondorioz, zerga ordaindu beharko dute. Gainera, aldeztu aurretik hainbat datu aurkeztu beharko dute idatziz, hala nola, zein elementu ipini behar duten, zein ezaugarri dituen, zenbat neurtzen duen eta zenbat deboraz erabiliko den.

3. Sortzapena

Tasaren sortzapena eta ordaindu beharra zerbitzuak ematen hasten diren unean bertan burutuko dira. Zerbitzuak hasi, eskaria egiten den unean hasten dira.

4. Zerga onarria

Hesi, aldamio edo antzeko elementuen bidez bide publikoan okupaturiko, mugatutako edo gainetik hegan egindako metro karratuak tasaren oinarritzat hartuko dira. Bide publikoaren ustiapena hesi edo aldamioekin gain, publizitatearekin aurrera eramaten bada, okupazioari buruzko tarifen oinarritutako likidazioari beste bat erantsiko zaio hesi edo aldamioan publizitateko errotulu edo iragarki kartela okupatzen dituen metro karratuak edo bere zatikia kontutan hartuz (5.tarifa).

I. Tarifak.

Kontzeptua	Euro
1. Hesiak, aldamioak, garabiak, oholesiak, harresiak, hesitik kanpoko eskorak edo astoak, bide publikoan edo hegalkinean finkatutako aldamio-babesak eta aldamio zintzilikatuak; m ² edo metro-zati bakoitzeko eta hamabostaldi edo horren zati bakoitzeko.	4,04 €
2. Eduki-ontziak edo obra-hondakinak eta obrako materialak edo tresnak uzteko bestelako elementuak; m ² edo metro-zati bakoitzeko eta egun bakoitzeko.	9,99 €



3. Eraikuntza-obretarako beharrezkoak diren etxetxoak eta roulotak, laneko segurtasuneko eta higieneko araudiarekin bat, eta, materialak edo antzekoak uzteko eduki-ontziak (ez hondakinak); m ² edo metro-zati bakoitzeko eta egun bakoitzeko.	2,47 €
4. Obrak seinaleztatzeko adierazleak; ale eta egun bakoitzeko.	0,52 €
5. Publizitate-oholak; m ² eta hileko.	39,14 €

II. Tarifak aplikatzeko arauak.

%95eko hobaria izango dute lehendik dauden eraikinetan hegaztiekin harrak egin ez ditzaten barrerak jarriko diren obretan. Eraikinetan interesdunak izan behar dute udalarentzat.

Epigrafe honetan aipatutako obrak hilabetetik gora eteten badira arrazoi justifikaturik gabe, tarifak aplikatzeko sortutako zenbatekoa % 100 handituko da bigarren hilabetetik aurrera; obrak amaituta, aprobetxamenduak jarraitzen badu, berriz, % 200 gehituko zaio zenbatekoari.

Obrak hasiko edo amaituko direla adierazi beharko zaio Durangoko Udaleko Udaltzaingoari egunean bertan.

1. epigrafea. Ibilgailua finketara sartzeko sarbideak eta bide publikoan aparkalekua erreserbatzea

1. Egitate ezargarria

Egitate ezargarria da: Udal jabari publikoaren aprobetxamendu berezia ibilgailuak espaloitik zehar sartzeko eta aparkalekua gordetzeko.

Hainbat faktore hartzen dira aintzat egitate zergagarrian: igarobideen kopurua, horien ezaugarriak, igarobide bakoitzaren erabiltzaileen kopurua, ibilgailuen mota eta kopurua eta aparkalekuen luzera.

2. Subjektu Pasiboa

- Subjektu pasiboak dira, zergadun modura, jabari publikoa norberaren onurarako erabiltzen duten Bizkaiko Lurralde Historikoko Zergei buruzko Foru Arau Orokorren 35. artikulua aipatzen dituen pertsona fisikoak eta juridikoak eta entitateak.
- Ibilgailuak edo gurdiak espaloitik zehar sartu eta espaloiak egin, zaindu, aldatu edo kentzeagatik erabilpen pribatu edo aprobetxamendu bereziari dagozkion tasen zergadunen ordezkioak izango dira, ibilgailuen sarrera ahalbidetzen dituen finka eta lokaletako jabetunak; eta hauek, hala balegokio, dagozkion onuradunei egotzi diezazkiekete tasak.

3. Sortzapena

- Espaloitik zehar ibilgailuak sartzeagatik eta aparkalekua gordetzeagatik tasa, aprobetxamendu berezia sortzen den unean bertan sorraraziko da eta, gerora, urte bakoitzeko urtarilaren 1ean.
- Aparkalekua gordetzeko plaka jartzeagatik tasa, plaka jartzen den unean bertan sorraraziko da.
- Zerga-aldia urte naturala da, aprobetxamendu berezia hasi edo utzi den kasuetan izan ezik. Hauek, zerga-aldia dena delako zirkunstantziari egokituko zaio, eta dagokion hainbanaketa egingo da.
- Jabari publikoaren aprobetxamendua gauzatzen ez bada subjektu pasiboari egotzi ezin dakizkion arrazoiak direla-eta, dagokion diru-kopurua itzuliko da.

I. Tarifak.

Kontzeptua	Kuota
1. Etxebizitzetako eraikinetan kokatutako garajeetako igarobideak, ibilgailuak gordetzeko edo parking gisa erabiltzeko garajeetakoak.	
a) 10 plaza arteko garajeko igarobide bakoitza.	15,00 € plaza bakoitza
b) 11 eta 25 plaza arteko garajeko igarobide bakoitzeko.	13,50 € plaza bakoitza



c) 26 eta 50 plaza arteko garajeko igarobide bakoitzeko.	12,00 € plaza bakoitza
d) Hortik aurrerako plaza bakoitzeko, aurreko epigrafeari kopuru hau gehituko zaio.	10,50 € plaza bakoitza
2. Industrietako edo dendetako igarobideak, metro lineal edo zintarri-zati bakoitzeko.	34,89 €
3. Obrengatik edo antzeko egoerengatik jarritako igarobide baimenduak; sartzeko behar den metro lineal bakoitzeko, hilabete edo hil-zati bakoitzeko.	14,87 €
4. Aparkaleku-erreserbak; metro lineal edo zati bakoitzeko (taxiak eta gisakoak).	59,57 €
5. Autoen pasabideko erreserbak direla adierazten duten plakak.	84,64 €

II. Tarifak aplikatzeko arauak.

1. Pasabidetzat hartuko da (zintarri alakadunaren luzera), pasabidearen zabalera lau metro edo lau metro baino gutxiago denean. Zabalera handiagoa bada, lau metroko kopuru hori erabiliko da zenbait pasabide ateratzen diren erabakitzeko.
2. Zintarrian neurtutako pasabideen zabalera ezingo da eraikinak edo lokalak daukan sarbidearen pasabidearen laurdena baino handiagoa izan.
3. Espaloia zintarria jaitsita edo kenduta ez badago, luzera guztia neurtuko da, hau da, lokalaren edo orubearen sargunearen luzera erabilgarri guztia.
4. Igarobideak epigrafe bati baino gehiagori badagozkio, tasa altuena duena aplikatuko zaio lehenengoari, eta, gainerakoari dagozkion tasen % 50.
5. Espaloiko igarobideen zabalera zehazteko, beharatutako zintarriaren metro linealak hartuko dira kontuan, halakorik badago.
6. Lokal berak bi sarrera edo gehiago baditu, lehenengoak hari dagokion tarifak ordainduko ditu, eta gainerakoei % 50eko beherapena egingo zaie dagokien prezio publikoaren gainean.
7. Igarobideak ezartzeko, mantentzeko, berritzeko edo kentzeko gastuak eta aparkalekuak erreserbatzeko gastuak eskatzaileek ordainduko dituzte; euren kontura joango dira, orobat, horiek seinalatzeko gastuak.
8. Ordenantza honetan, ibilgailua sartzeko plazen gehienezko kopurua hartuko da aintzat.
9. Igarobideak 4 eta 6 metro artekoak direnean (biak barne), % 25 handituko da tarifa; 6 metrotik 8 metro artekoetan, berriz, % 50 handituko da.
10. Ekitaldiaren barruan altarik badago, geratzen den ekitaldi-zatiari dagokion tasa likidatuko da, alegia, alta-baimena ematen den egunetik ekitaldiko azken egunera doan denboraldiari dagokiona. Interesatuaren eskariz, ibiari baja ematen bazaio, ez da dirurik itzuliko.

2. epigrafea. Jabego publikoa hainbat instalaziorekin okupatzea

1. Egitate ezargarria


Egitate ezargarria da Udaleko jabari publikoa era pribatuan edo aprobetxamendu berezien bidez erabiltzea.

2. Subjektu pasiboa

Subjektu pasiboak dira, zergadunak diren aldetik, Bizkaiko lurralde historikoko Zergei buruzko foru arauaren 35. artikulua aitpatzen dituen pertsona fisikoak eta juridikoak eta entitateak, betiere, jabari publikoa euren onurarako erabiltzen badute.

3. Sortzapena

Udaleko jabari publikoaren erabilpen pribatuari edo aprobetxamendu bereziari dagokion tasa, egitate ezargarriaren izaeraren arabera, erabilpen pribatua edo aprobetxamendu berezia hasitakoan sortuko da.




Tasaren izaera dela-eta, tasa aldizka sortuko balitz, lehen sortzapena, urte bakoitzeko urtarrilaren 1ean izango da.

I. Tarifak.

Kontzeptua	Kuota
1. Erakusleihoak, bitrinak, erakusgaiak, eguzki-oihalak, markesinak, kartelak, panelak eta antzeko elementuak ipintzea, kutxa erregistratzaileak, erregaien harguneak, arketak, transformadoreak eta antzerako elementuak; m ² eta urte bakoitzeko.	15,93 €
2.1 Bide publikoa terraza-beladorrekin okupatzea, mahaiak, aulkiak, eguzkitakoak, mazetak, albo-babesak barne, m ² -ko eta urteko baimeneko. 3. mailako kaleetarako (EJZn sarturiko mailaren arabera)	31,31 €
2.2 Bide publikoa terraza-beladorrekin okupatzea, mahaiak, aulkiak, eguzkitakoak, mazetak, albo-babesak barne, m ² -ko eta urteko baimeneko. 2. mailako kaleetarako (EJZn sarturiko mailaren arabera). 3. mailako kalearen zenbatekoa x 1,30	40,71 €
2.3 Bide publikoa terraza-beladorrekin okupatzea, mahaiak, aulkiak, eguzkitakoak, mazetak, albo-babesak barne, m ² -ko eta urteko baimeneko. 1. mailako kaleetarako (EJZn sarturiko mailaren arabera) 3. mailako kalearen zenbatekoa x 1,40	43,83 €
3.1 Barrakak, zirkoak, etxetxoak eta ferietako bestelako gailu guztiak; m ² eta egun bakoitzeko.	1,29 €
3.2 Barraka, zirku, zezen-ikuskitun, etxola edo era guztietako azoka-aparatuekin okupatzea, m ² eta eguneko, herriko jaietan muntatutako azoka-esparruei lotuta	0,16 €
4. Kutxazain automatikoak, kutxa gotorrak eta antzekoak jartzea; ale eta urte bakoitzeko.	753,85 €
5. Ondasun eta zerbitzuak moneta bidez automatiko saltzeagatik, (tresna horiek okupatzen dituzten aurrealdeko metro linealen arabera edo okupatzen dituzten aurrealdeko azaleraren arabera).	15,93 €
6. Udaleko eraikin publikoen erabilpen pribatu edo aprobetxamendu berezia, m ² eta egun bakoitzeko, beti ere erabilpen hori jarduera ekonomikoa sortarazten badu.	5,50 €
7. Aurreko epigrafeetan jaso ez diren bestelako okupazioak; m ² eta urte edo zati bakoitzeko.	0,52 €

II. Tarifak aplikatzeko arauak.

- Edozelako okupazioengatik ordaindu beharreko gutxieneko eskubideak eta tasak –aipatutako tarifetan jasotakoak 19,99 eurokoak izango dira (eskubideak).
- Kuota horien ordeez, beste batzuk ezarri ahal izango dira enkante edo akordio jakinen bidez, Durangoko Udalak komenigarritzat jotako aprobetxamenduetan.
- Instalazioak jabetza pribatuko muga-lerrotik kanpora bertikalki ateratzen direnean, bide publikoa okupatzen ari dela joko da beti, eta bide publikoan dagoen elementu edo gauza horren neurriak hartzeko garaian, elementu osoa neurtuko da, Udaleko bide publikoan zati bat besterik egon ez arren.
- Honela neurtuko da:
 - Elementu finkoak direnean, horien hedadura osoa hartuko da aintzat.
 - Elementu mugigarriak edo zabalgarriak direnean, gehienezko zabalera neurtuko da.
 - Erakusleihoak eta bitrinek bide publikoa hartzen badute, horien azalera guztia neurtuko da, dimentsio handienak oinarri hartuta, bai luzeran bai zabalera –armazoiaren bastido-reak barne.



5. Kafetegiak, tabernak, jatetxeak, hotelak, dastalekuak, dantzalekuak, ikuskizun-guneak, etab. dira eta, horietan egoten diren eguzki-oihalei eta markesinei dagozkien tarifak ezartzeaz gain, 100eko 100 gehituko zaie tarifei.
6. Atal batean baino gehiagotan jasotako artikulua saltzen direnean, horietatik tarifa garestiena duena ordaindu beharko du titularrak.
7. Arau orokor moduan, kobrantza egingo da dokumentua ematen denean, hau da, dena delako okupazioa baimentzen denean; nolana ere, izaera iraunkorreko baimena behar duten okupazioen kasuan edo behin behineko lizentziak behin betiko bihurtzen direnean, kobrantza era kolektiboan egin daiteke, urteko aldizkakotasuna duten izaera fiskaleko dagokion eroldaren bidez.

Aipatutako eroldan administrazio-baimenean bildutako zerga-elementuak jasoko dira, eta notifikazioa egiteak erolda fiskalean alta eman dela esan nahi du.

Alta, baja eta aldaketen komunikazioak, eta beraiei atxikitako betebeharrak formalak, okupazio bakoitzaren gaineko dagokion udal kudeaketa ordenantzan jasoko dira.

Interesatuak merkataritzako edo industriako jardueran aritzeko baimena ematen dion dokumentua eskuratzen duen unean ordaindu beharko du kuota.

8. Urteko lizentziak emateagatik kuota finkoa eta hainbanekinak dira, merkataritzako edo industriako jardueran aritutako denbora zeinahi dela ere. Bide publikoan terrazak eta mahaiak jartzea arautzen duen udal Ordenantzak ezarritako denboraldi erdirako lizentzien kasuetan, kuota eman-dako okupazio epearen arabera banatuko dira.
9. Kontzeptu honegatikotasunaren subjektu pasiboek bide publikoaren aurrean dauzkaten instalazio berrien deklarazioa aurkeztu behar dute martxan jarri eta hurrengo hilabetearen barruan.

Toki domeinuaren narriadura. Erabilera edo ustiapen bereziak toki domeinu publikoaren suntsiketa edo narriadura eragintzen badu, onuradunak dagokion tasa ordainduz gain, berreraiketa eta konponketa kostu osoak ordaindu eta bere zenbatekoaren aurretiazko gordailua egin beharko ditu.

Kalteak konponezinak balira entitateari kalte-ordaina eman beharko dio, suntsitutako ondasunen balioa edo kalte-tutako ondasunen narriaduraren balorazioa bere zenbatekoa izanik. Aipaturiko kalte-ordain eta itzultzeak guztiz edo partzialki barkaezinak izango dira.

3. epigrafea. Bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzea

1. Egitate ezargarria

Egitate ezargarria da: Udaleko bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzea.

2. Subjektu pasiboa

- a. Subjektu pasiboak dira, zergadunak diren aldetik, Bizkaiko lurralde historikoko Zergei buruzko foru arauaren 35. artikulua aipatzen dituen pertsona fisikoak eta juridikoak eta entitateak, bertiere, jabari publikoa euren onurarako erabiltzen badute.
- b. Tasak, dagozkion baimenen jasotzaile direnek ordaindu beharko dituzte, edo, bestela, aprobetxamenduaren onura ateratzen dutenek.
- c. Aipatutako zerbitzuen enpresa ustiatzailatzat hartzen dira, banaketaz eta salerosketaz ardurtzen diren enpresak.

3. Aplikazio arauak

- a. Aurreko paragrafoetan edo lurzoruen okupazioa, hegalkina eta lurpe publikoa kargatzen duten beste ordenantza espezifiko batzuetan ez bada aurreikusten kasuan kasuko aprobetxamendua, aprobetxamendu bidez ordainduko da: okupatutako lursailaren balioaren % 15, urteko 77,83 euroko gutxienekoarekin.



- b. Aipatutako kuotak enkante edo akordio espezifiko bidez ordeztu ahal izango dira, Durangoko Udalak komenigarritzat jotzen dituen aprobetxamenduetan.
- c. Aipatutako kuotak aplikatuko dira, okupazioa modu jarraituan zein aldizka egiten bada.
- d. Aprobetxamenduak beste titular batek bereziki okupatutako espazio bat aldi baterako erabiltzea badakar, hari aplikatu beharreko murrizketak ere bere gain hartu beharko ditu.

4. Sortzapena

- a. Eskubideak ordaindu beharko dira dagokion baimena ematen denean edo, hala balegokio, egitate ezargarria osatzen duten elementuak aprobetxatzen direnean.
- b. Aprobetxamendua administrazioaren enkante bidez egiten denean, aldi berean ordainduko da.
- c. Tasa urtero sortzen da.

Gainerako aprobetxamenduetan, Ordenantza Fiskal Orokorrak biltzen duen diru-bilketa araudia aplikatuko da eta, honen ordeztu, Bizkaiko Lurralde Historikoko Diru-bilketa Araudia.

I. Tarifak.

	Kontzeptua	Kuota
1	Bide publikoko lurzorua, hegalkinak eta lur-azpia aprobetxatzea; baita, kableak, hoditeria, errailak, banaketa-geruzak, etab. dituzten udal-ondasunak ere (Erabilitako ondasun publikoaren balioaren arabera)	% 16,78
2	Aireko kableak, hariak eta lineak; metro lineal eta urte bakoitzeko.	0,06 €
3	Filmaketa zinematografiko, publizitate-filmaketa eta antzekoetarako bide publikoen erabilera pribatiboa filmaketaren jarduerak irauten duen bitartean behar diren eta berezkoak diren elementu guztiak barne.. Metro koadroko eta eguneko	0,14 €

4. epigrafea. Hornikuntza-zerbitzuak ustiatzen dituzten enpresek Udaleko bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzea

1. Egitate ezargarria

Egitate ezargarria da: Hornikuntza-zerbitzuak ustiatzen dituzten enpresek Udaleko bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzea.


2. Subjektu pasiboa

- a) Subjektu pasiboak dira, zergadunak diren aldetik, Bizkaiko lurralde historikoko Zergei buruzko foru arauaren 35. artikulua aipatzen dituen pertsona fisikoak eta juridikoak eta entitateak, betiere, jabari publikoa euren onurarako erabiltzen badute.
- b) Tasak, dagozkion baimenen jasotzaile direnek ordaindu beharko dituzte, edo, bestela, aprobetxamenduaren onura ateratzen dutenek.
- c) Aipatutako zerbitzuen enpresa ustiatzailatzat hartzen dira, banaketaz eta salerosketaz arduratzen diren enpresak.

3. Oinarri ezargarria

- a) Tasaren oinarri zergagarria ezartzeko kontuan hartuko dira hornikuntza-zerbitzuak ustiatzen dituzten enpresek udalerrian urtero fakturatzen dituzten diru-sarrerak gordinak.
- b) Diru-sarrera gordintzat hartuko dira dena delako entitateak udalerrian eginiko zerbitzuetatik ateratzen direnak.
- c) Ez dira diru-sarrera gordinen artean sartuko emandako zerbitzuei dagozkien zerga ez zuzenak, ezta ere, hirugarrenen kontura kobratu diren partidak edo kopuruak, baldin eta hauek entitatearen diru-sarrera moduan kontabilizatzen ez badira.

Halaber, fakturaziotik ateratzen diren diru-sarrerak gordinen artean ez dira sartuko Ekonomia Ministerioaren argindarra ekoizteko instalazioen administrazio erregistroaren 1. eta 2. sekzioetan



izena emanda dauden instalazioetan erabiliko diren hornikuntza-zerbitzuek jasotako diru-kopuruak, hots, erregimen berezi honen ondorioz tributatu daitekeen argindarra sortzeko beharrezko materia prima moduan izena emanda daudenak.

- d) Hornikuntzak egiteko beste sare batzuk erabiltzen dituzten enpresek deduzitu egingo dituzte euren fakturazioen diru-sarrera gordinetatik beste enpresa batzuei sareetara konektatzeko kontzeptupean ordaindutako diru-kopuruak. Aipatutako sareen enpresa titularrek aipatutako kontzeptuagatiko zenbatekoak konputatu beharko dituzte euren fakturazioaren diru-sarrera gordinen barruan.
- e) Zergei buruzko Foru Arauaren 92. artikulua eta Bizkaiko lurralde historikoko Ikuskatze Araudiaren 37. artikulua ezartzen dutena aintzat hartuz, sareen enpresa titularrek Udalak eskatu dakiekeen informazioa aurkeztu behar dute sareetara konektatzeko kontzeptupean beste enpresa batzuetatik jasotzen dituzten diru-sarrerari buruz

4. Tributu kuota


- a) 1.- Tributu kuota honakoa izango da: udalerrian urtero fakturatzeko diru-sarrera gordinen %1,5a.
- b) 2.- Aprobetxamendu bereziaren ondorioz jabari publiko apurtu edo hondatzen bada, onuradunak, ordaindu beharreko dagokion tasa ordaindu behar izanaren kaltetan izan gabe, konponketa-lanen ondorioz sortutako kostu osoa ordaindu beharko du, eta kopuru hau aldeztu aurretik jarri beharko du.

Kalteak konponezinak balira, Udalak apurtutako edo hondatutako ondasunen balioaren diru-kopurua bera jasoko du kalte-ordain modura.

Udalak ezingo ditu barkatu, ez zati bat ez osorik, apartatu honetan aipatzen diren kalte-ordainak.

5. Sortzapena

- a) Hornikuntza-zerbitzuak ustiatzen dituzten enpresek Udaleko bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzeagatiko sortzapena, aprobetxamendu berezia hasitakoan sortuko da eta, gerora, urte bakoitzeko urtarilaren 1ean. honako enpresa hauek hartuko dira kontuan
- b) Jabari publikoa erabiltzen ez bada subjektu pasiboari eragotzi ezin dakizkiokeen arrazoiengatik, dagokion zenbatekoa itzuliko beharko da.
- c) Hornikuntza-zerbitzuak ustiatzen dituzten enpresek, aurreko hiru hilabeteen lortutako diru-sarrera gordinei buruzko aitorpena aurkeztu behar dute Udalean hiru hilabete bakoitzeko lehenengo hamabost egunen barruan. Aitorpenarekin batera, udalerrian egindako fakturazioari buruzko egiaztagiriak aurkeztu behar dituzte eta, halaber, Udal Administrazioak eskatu dakiekeena
- d) Udal administrazioak hiru hilabetezko likidazioak egingo ditu. Hauek, behin behinekoak izango dira dagozkion egiaztapenak egiten diren bitartean. Egiaztapenak egin ostean, interesatuari jakinaraziko zaio. Borondatezko epea amaitu ostean, premiamenduzko bideari ekingo zaio.
- e) Edozein kasutan, behin behineko likidazioak behin betiko bihurtuko dira aurreko artikulua aipatzen duen aitorpena aurkezten den egunetik hiru urte igarotakoan.
- f) Tributu arau-hauste eta bere kalifikazioei dagokienez, 2/2005 Zergei buruzko Foru Arau Orokorra eta Ordenantza Fiskal Orokorra ezartzen dutena aplikatuko da.
- g) Hornikuntza-zerbitzuak ustiatzen dituzten enpresek Udaleko bide publikoko lurzorua, hegalkinak eta lur-azpia modu pribatuan edo aprobetxamendu bereziz erabiltzeari dagokionez, honako enpresa hauek hartuko dira kontuan:
 - i) Energia elektrikoa, ura edo gasa hornitzen dituzten enpresak.
 - ii) Jendearentzako telekomunikazio zerbitzuak eskaintzen dituzten enpresak, beti ere, Udaleko bide publikoko lurzorua, hegalkinak eta lur azpia modu pribatuan edo aprobetxamendu bereziko sare publikoen bidez erabiltzen badituzte, eta kontuan izan gabe sareen edo instalazioen titularitatea.



- iii) Bestelako hornikuntza-zerbitzuak eskaintzen dituzten enpresak, baldin eta Udaleko bide publikoko lurzorua, hegalkinak eta lur azpia erabiltzen badituzte hodi, kable eta bestelako instalazioen bidez.

5. epigrafea. Trakzio mekanikozko ibilgailuak udalerriko kaleetan aparkatzea horretarako zehaztuko diren guneetan eta jarri daitezkeen mugekin eta, halaber, gune murriztuetarako sarbidea.

I Tarifak.

1. Trakzio mekanikozko ibilgailuak udalerriko kaleetan aparkatzea horretarako zehaztuko diren guneetan eta jarri daitezkeen mugekin eta, halaber, gune murriztuetarako sarbidea. Tarifak minutuka aplikatuko dira, aparkatu eta 15.minututik hasita.
 - 15 minutura arte: 0,20 €
 - 15 min - 60 min, minutuko 0,013333333 € ... Beraz, 60 minutu eginda, 0,80€
 - 60 min - 90 min, minutuko 0.023 € Beraz, 90 minutu eginda, 1,50€
 - 90 min - 120 min, minutuko 0.033 € Beraz, 120 minutu eginda, 2,50€
 - 120 min - 180 min, minutuko 0.04166667 € Beraz, 180 minutu eginda, 5,00 €
 - 180 min - 240 min, minutuko 0.045 € Beraz, 240 minutu eginda, 7,70 €
 - Egoiliarren txartela: 60,60 euro
 - Gremioen txartela: 129,89 euro
 - Salaketak baliogabetzea: 12,00 euro

II Tarifa aplikatzeko arauak

1. Tasa honi dagozkion guneak eta ordutegia, udal akordio bidez zehaztuko dira, eta behar bezala ezagutaraziko dira.
2. Zerbitzua ematerako orduan aintzat hartuko dira honi buruzko udal akordioek ezartzen dutena.
3. Erabilpenari dagozkion baldintzak eta aparkatzeko gehienezko denbora Ordenantza arautzaileak ezarriko ditu.
4. Tasa honi buruzko ordainagiriak gune bakoitzean jarriko diren makinetan eskuratu ahalko dira. Makinok behar bezala iragarriko dira eta nola erabili ere azalduko da.
5. Egoiliar-txartelaren ordainketa ordenantzaren arabera egokituko da.
6. Alta urtealdiaren barruan emango balitz, hainbanaketa egingo da hiru hilabeteka eta urtealdia amaitu arte. Alta eman izan deneko hiru hilabetea ere zenbatuko da.

6 Epigrafea) Udal Hornidura Merkatuaren erabilera pribatiboa, administrazio-emakidaren titularren alde.

I. Egitate zergagarria.

Egitate zergagarria da Udal Hornidura Merkatuko postuak administrazio-emakida duten pertsona titularrek erabilera pribatibo moduan erabiltzea. Administrazio-emakidak postuaren erabilera pribatua eta instalazioaren elementu komunak erabiltzea ahalbidetzen du.

2. Subjektu pasiboa

Tasa honetako subjektu pasiboak dira Udal Hornidura Merkatuan administrazio-emakida bidez postu bat duten titullarrak.

3. Sortzapena

Hornidura-merkatua modu pribatiboan erabiltzeagatik tasa erabilera pribatiboa hasten denean sortuko da.

Tasaren izaera materialak tasa aldizka sortzea eskatzen duenez, urte bakoitzeko urtarrilaren 1ean egingo da.



4. Oinarri zergagarria, likidagarria, kuota eta tarifak

1. Tasa honen oinarri zergagarria, oinarri likidagarriaren igoala izango dena, postu bakoitzaren azalera erabilgarriaren arabera ezarriko da.
2. Tributu-kuota ondorengo tarifa aplikatzen etorriko da:

I. Tarifa.

Postuko (urteko) metro koadro erabilgarri bakoitzeko 112,68 euro.

II. Tarifak aplikatzeko arauak

1. Arau orokor gisa, kobrantza egingo da pertsona interesdunari postua okupatzeko baimen-agiria ematen zaion unean; nolana ere, kobrantza era kolektiboan egin daiteke urteko aldizkakotasuna duen izaera fiskaleko dagokion erroldaren bitartez.

Errolda horrek administrazio-baimenean bilduriko zerga-elementuak jasoko ditu, eta notifikazioa izango da errolda fiskalean alta emanda dagoenaren adierazlea.

Alta, bajak eta aldaketak jakinarazteko erregimena, hala nola, berauei loturiko betebeharrak, okupazio bakoitza kudeatzeko dagokion udal ordenantza jasoko dira.

2. Urteko kuota hilabete natural osoen arabera hainbanatuko da honako kasu hauetan:

a) Administrazio-emakida otsailaren 1aren ondoren ematen denean, urteko gainerako hilabetei dagokien zati proportzionala baino ez da likidatuko, lanpostua betetzen hasten den hilabetetik zenbatzen hasita, emakida adjudikatzeko administrazio-egintza zehazten denaren arabera.

b) Dirulaguntza arrazoi hauetako batengatik ekitaldian zehar amaitzen denean:

i. Udalaren erabakiz, ezeztatzearen, ixtearen edo emakidadunari egotzi ezin zaion beste arrazoi baten ondorioz.

ii. Emakidaren iraupen-epea, emakidaren administrazio-egintza ezarritakoa, amaitzeagatik.

Kasu horietan, eta sortzapena urtarilaren 1ean gertatzen denez, urteko kuota osoa dagokion unean ordainduko da, eta Udalak urtean baliatu gabeko hilabetei dagokien tasaren zati proportzionala itzuliko du. Emakida amaitzen den hilabetei dagokion zatia ez da itzuliko.

c) Emakidadunaren borondatezko bajaren kasuan, ez da itzulketarik edo hainbanaketarik egingo, eta urteko kuota osoa ordaindu beharko.

3. Udal jabari publikoa hondatzea: erabilera pribatiboak edo aprobetxamendu bereziak udal jabari publikoa suntsitzea edo hondatzea dakarrenean, pertsona onuradunak, dagokion tasa ordaindu behar izanaren kaltetan izan gabe, konponketa-gastu guztiei egin beharko die aurre, eta dirua aldezturik jarri beharko du gordailuan.

4. Kalteak konponezinak balira, ondasun hondatuen balioaren zenbateko bera ordaindu beharko dio hondatzaileak entitateari, eta ezingo dira ez partzialki ez osorik barkatu ez kalteordainak ezta diru-itzultzeak ere.

AZKEN XEDAPENA

Ordenantza hau argitaratu eta hurrengo egunean jarriko da indarrean, eta indarrean jarraituko du aldatu edo indargabetu arte.